

T 5422/7671.2

5

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 10 1941

UNIVERSITY OF TORONTO LIBRARY
1401 St. George Street
Toronto, Ontario M5S 1A5

白鶴集卷之八

五言絕句

齊聞之金山寺四首

東海層崖轉真者

不與世路遠那得世人見
月出隱高峰潮來松石
水氣結明霞星光映浦沙
山僧無一事洗鉢挂
故人幽棲處天風吹海樹
欲往無津梁日送高
陳竹津始娟錦聲迥冷煙
從何得傳入江水寺

老休仙客遊四明

白榆集卷之八

哈佛大學漢和
圖書館珍藏印

東海屠隆緯真著

五言絕句

寄開之金山寺四首

不與世路通那得世人見月出隱高峰潮來捲

大殿

水氣結明霞星光映浦沙山僧無一事洗鉢挂

藤花

故人幽棲處天風吹海樹欲往無津梁目送高

鴻去

踈竹淨娟娟鐘聲遶冷煙從何得悟入江水寺

前門

送林仙客還四明

送子凌空去白雲滄海頭遙憐故鄉月夜夜照沙鷗

江北謠十八首

綠瓦鴛鴦殿紅綃翡翠裙金幢明畫燭高坐碧君霞

金車聯玉驄遊戲宛與洛君家採薜蘿邛家採芍藥

女郎騎駿馬帕首抹烏雲一道流星去西風吹裙繡

大廟垂楊下雜坐聽笙篔篹馬鳴人影亂內官來打毬

客從臨洮來長刀角弓綠日暮上酒樓搗笙啖羊肉

陌上羅酒漿東郊拜墓罷脫下黃衫子紅裙樹間挂

千錢與唱歌百錢與賣酒本是青州人家住黃河

日馱三百觔峻坂高城下傷哉冰雪中汗血桃花馬

西北誰家子佩服麗且都纏綿復婉孌江南今不如

馬上逢鄉里無奈馬蹄疾寒暄欲一言風沙忽相失

黃葉滿寺門山僧坐樹根風烈池水斷沙高晚昏日

作客十年歸徘徊認故妻閨中小兒女驚見阿爺啼

寒雲落葉間鐵馬響空山云是豪家子高原出獵還

野館宿枯茅天寒夜凄切風來竈下煙月照牀頭雪

黑風捲地沙鳴鏑疾如雨兩月各西東相視不敢語

官人及大賈凌亂踏斜陽借問萬里客誰齋五嶺糧

問妾何所有金翠珊瑚樹買時郎捨錢不買郎去應
五馬千金裘映戶遮垂柳哀哀道傍兒單衣不掩

江南謠十九首

桂浦蕩蘭舟紅妝歌綠水歌聲風吹斷搖入蘆花

繫船秦淮口走馬長干中留君君不住多謝石尤

儂本江南人記得江南曲野隴飛斑鳩春田放犢

置酒彈阮咸潮平月欲落低頭何所思無心顧絃

採蓮復採蓮蓮花輪妾妍湖頭明月上翠被擁蒼

五月楊梅熟繡閣黃金縷鱗魚不足啖復啖西乳

大盤擎翡翠小盤擎珊瑚少婦推簾看嗔無明珠

日落晚天碧潮來江水渾漁燈楓葉下不覺到柴

雖有千萬頃水旱兩不識儂家不種田歲歲收租

十千買一爐百萬買一畫妖童與豔姬大艸閭門

菱花間藕花綠水平如掌堤邊油碧車湖上青蓮

風雨折茅屋蝗蟲食稻苗儂饑儂不恨何以辦租

柳暗烏衣巷花明紅板橋通波爭蕩槳乘月鬪吹

石屋雙流映桃花夾岸春前谿籜冠者或恐是秦

村村帶流水迳屋是蒹葭對門聞雞犬舟楫過隣

江南饒水竹臺榭碧嶙峋昨日弦歌罷明朝換

主人

朝從紫陌遊暮向青樓歸家中無斗粟身上著

羅衣

朝發菴畫谿暮宿鴛鴦湖鴛鴦忽飛去天水澄

菰蒲

儂擡竹垞子誰得似儂家放下竹垞子西湖弄

荷花

題水月主人

有月江水白無月江水黑水落月亦沉但見青天色

題無礙居士

雲來太空陰雲去太空朗太空本無心不厭雲來往

六言絕句

和辰玉悼亾之作六首

碧梧葉上輕霜紅藕花間細浪從來烏兔東西只有

青天無恙

兩行燭盡花暝一曲歌殘斗斜不信空中明月請看

洞口流霞

夜來夢得明珠一笑冷然夢也了知夢境非真誰道

人生亦假

偶然步出谿頭照見千山朗暎早時悟得清谿何故

磨銅作鏡

白梅集 卷之八 四
開處蟲吟白露閑時鳥踏青苔人自不嗔花落君休
認取花開

有識總歸煩惱無情卽是波羅千秋萬歲帝女一年
一度天河

省悟十首

門外馬頭塵起山間竹裏泉鳴一語向君說破此是
大地火坑

瓦解須教作土土合復還成瓦四大百年偶聚愚夫
却認是我

淡中得趣彌真濃處回頭味短飽時卽厭烹鮮樂極
翻嫌絲管

偶上前朝古墓黃泥白骨英雄爲是兒童弄影不知
影弄兒童

新聞喪我良友不哀仰視秋雲浮雲聚散常事不聞
人哭浮雲

萬事從人迷悟狐狸粉黛蕤迷者認爲粉黛悟者
知是狐狸

逍遙聊借造物登覽何用亭臺地僻松風適至日落

山月又來

世事海漚起滅人身石火須臾借問誰為真我元始
當空寶珠

秉燭隣家借火乘筏渡口呼船寶鏡都來自照金針
只在身邊

厭境未免生境簡緣亦是多緣風霾霹靂半餉依然
一片青天

七言絕句

戲贈沈生買吳姬二首

吳姬年十四甚
麗而善吳歌

十四吳姬白玉姿芙蓉新月照蛾眉花前調笑何曾
慣只抱瓊瓏鳳管吹

文君自願嫁相如宛宛垂楊日到初海月湖煙天似
水船頭一曲聽神魚

胥門

年年春雨洗紅蘭啼老宮鶯粉黛殘芳草似牽當日
恨一江煙水觸離寒

館娃宮

紅妝直是妬明霞日照高樓扇影斜依舊淥湖開曉

白梅集
卷之八
六
鏡寶釵無柰沒春沙

小君山

停舟夜望小君山
兩岫芙蓉水接天
可惜月明無寶瑟
淡煙一帶是湘川

華陽洞

松盤古色絳桃春
丹竈青童劈翠麟
月滿瓊臺天樂細
茅家昨夜燕南真

禦兒港

佳人湖上採菱歸
風亂雲鬟水濕衣
猶自含嬌弄雙

槳鴛鴦衝起鏡中飛

恭送曇陽大師十九首

列坐扶桑大帝前
六銖五色照瑤田
直凌海面行空去
颯颯天風散紫煙

西池南嶽坐相邀
髣髴煙中白玉橋
手炙鸞笙踏雲語
靈音一半入瓊簫

大洞真經宿世因
僊官千騎候靈人
何時陽滌山中見
親許桃花隔十春

勾漏丹砂何日逢
碧天秋水澹芙蓉
玄言大道千秋

秘揮手人間騎白龍

王母行宮列宿分九微燈豔紫元君玉樓金闕非人世空水茫茫載白雲

擊罷昆庭寶瑟齊白光兩道出天西如來親見舒金臂池上蓮花不染泥

朝看靈雨淨飛埃更取瓊漿瀉玉杯瓔珞玲瓏開寶扇紅雲影裏列真來

萬劫千生總習荒牟尼何幸照迷方同來士女皈蓮座添得新香禮法王

下方銀海月華生上界瓊臺照夜明水濺巖花修竹冷蒼煙堆裏落碁聲

花覆雲房星映沙碧桃青礪泛胡麻聞呼仙姊騎雙鵠同向蜂頭眺落霞

家鄉原在妙高峰青桂紅蘭宛舊容童子笑迎猿鶴舞洞門親啓白雲封

異香縹緲護金鐙手捧琅函說大乘欲攬慈雲天際遠獸懸秋月照壺冰

青天迢遞鶴書輕翠蓋瑤輿引七星花下玉鞭那可

得清齋夜夜誦黃庭

行行口自說神鸞兼授華陽九轉丹
初利宮中知不

住一龕燈火薜蘿寒

總持三教是吾師來去翛然任所之
明白向人人不

識茫茫苦海渡何時

亦知欲界遠西方一飲醍醐是醉鄉
豈謂便攀龍馭

去且教心地得清涼

仙駕嚴裝羽隊分勅書先下玉宸君
明知不比人間

別亦自含悽望碧雲

西天西去指恒沙東海東頭棗似瓜
斜日乍明秋潦

盡萬人相送躡層霞

一自瑩篇降玉除日令五體在泥塗
曇花解結菩提

果寶月堪爲舍利珠

寄傅伯俊二首

當時同聽未央鐘今日相思煙樹重
只隔盈盈衣帶

水雲明沙白見青峰

使君佳政掩三吳文藻江山絕代無
日照空沙呼雁

鷺雨深春草憶薜蘿

寄江陰胡明府 江陰有君山

使君乘月鼓雲和山比黃陵青黛多
淥水芳洲嬌杜若白雲秋色醉湘娥

寄題程氏百花亭

紅雲澹蕩赤欄前旭日微風三月天
欲挈一尊花下醉醉來即掃落花眠

湖上曲十首

芡實蓮房生浪花鴛鴦鷓鴣臥空沙
拏舟唱入水雲去日沒數峰江月斜

漠漠谿苔濕露光重重水殿暎初陽
何當身在空明裏細帶無風桐葉涼

吳越名山冠九州水光空浸白雲秋
滄洲小吏何言傲日日低頭拜督郵

使君滿面是煙霞何事車中度歲華
月照蓑衣風拂釣夜來清夢到漁家

自誇墨綬不離身無那青山解笑人
舊日五湖煙雨客如今雙膝在風塵

莫笑青谿老使君蟲絲蝸角暗龍文
只言馬首銷紅

白梅集 卷之八
日不道牀頭有白雲

湖邊曾記踏花行
謾謾風篁十里聲
綠水青蓮人載
酒絳樓紅板伎吹笙

妾住橫塘水掩扉
誤隨公子玉驄歸
採蓮蕩將五音
慣那解當筵着舞衣

夜泊湖頭自唱歌
蘆花月白水禽多
芙蓉獨抱清霜
老一片寒香控素波

歲歲驚心雪浪前
蘭舟賣却買湖田
儂耕婦鎰更何
事鐵笛一聲穿隴煙

題孟孺畫扇

斷雨疎煙紫翠開
千巖萬壑水滌洄
山翁睡起垂楊
下門外何人載酒來

喜王敬美督學棄官歸隱六首

歲歲煙霞夢裏還
挂冠今日是青山
西來不踏咸陽
雪一輛芒鞋夜度關

金閭秋色挂斜暝
函谷雞聲馬上行
借問歸來何所
事萬峰明月五湖雲

鍾斷寒山大吠村
竹邊猶恠水聲喧
青谿白石卿家

物從此紅塵不到門

一遇真人跨紫鸞便從

天子乞黃冠桂花落盡無

人見只有山風吹石壇

君家伯仲總仙郎零亂芙蓉五色裳聞道大兄補桐

相他年小弟治華陽

匡廬曾得寄幽蹤又復驅車太華峰萬事蒼茫今不

問夢回殘月在高松

董節母

其夫墮海歿

機上流黃罷綺羅月明清露下庭柯桃花津口魚龍

恨一曲篴簾公渡河

題松庵上人卷

水浸雲房鳥下池煙蘿暝色坐來遲虎谿何處尋踪

跡月在深松人不知

送長吉諸孫東還二首

客館鶯啼白日斜相逢相送總天涯因君更憶西湖

好一片歸心寄落花

年來何日不思鄉却送君歸欲斷腸聞道小園剛半

畝不愁無地種垂楊

寄姜仲文四首

仙郎豈是石麒麟
綵筆千秋定有神
空說太湖三萬頃
何由一借採芝人

才名束髮早傾都
得似延津寶氣無
夢去雙雙青茵
蒼投來一一紫珊瑚

花滿平林風日温
天涯脉脉暗銷魂
偶因芳草思南國
不為星河賦北門

遙想文成五鳳樓
宮雲長滿殿西頭
春江幸有雙魚在
一夜桃花水亂流

史相國墓下作四首

長吉來言沈肩吾過史相墳弔古題詩有狐狸穿塚

出平田之句余甚賞之遂為嗣響因得四章

霜落蒼藤老樹枯
眼看巨石壓重湖
墓前只有山僧住
黃葉青燈照野狐

鑿石開山丞相墳
大池秋草易斜曛
天青鬼火空沙黑
山鼠驚人入亂雲

田夫自說史王孫
滿逕蓬蒿秋掩門
世上人磨銅雀瓦
玉釵一半古苔痕

朱門早啓亂鳴鑣
留得寒江弔暮潮
一片黃沙銷白日

骨碑陰彷彿記前朝

贈道者王余峰先生

碧眼方瞳炯日光知君名字入華陽自從子晉吹笙
後千古仙人好姓王

寄李之文

珊瑚寶馬映江干白哲郎君夾道看莫把金丸容易
擲花邊白日已將闌

潘載父下第謁李臨淮歸詩以慰之

落日黃金塵滿臺侯門謁罷賦歸來江淮漂母今誰

是零落王孫不用哀

聞瞿孟堅擢桂楚中喜賦四首

瞿孟堅諱甲幼有奇才年十三從其父睿夫
走闕下作萬言書歷抵公卿間為其父訟
冤短衣楚楚面有塵垢余時亦在闕下聞
而訪其父子邸中握手勞苦歎若平生諸人
聞之爭相延款名一日而遂傾都城臨分妻
斷殊不勝情別後以長牋見詒磊塊欬寄悲
壯欲絕讀者憮然咸歎英物未幾以才大課
楚中歲壬午遂薦鄉書第十人賦以識喜

短衣顛顛上書年此日名垂霄漢邊雲夢胸中吞八

九大鵬海外擊三千

少年綵筆掃秋雲桂殿陰森露氣分南國明珠龍女

色蘭舟高壓洞庭君

親冤未雪氣難平滿面風沙哭帝城落落肝腸生秀
句黃童江夏不如卿

千山雲盡碧天虛一日雙眉爲爾舒取醉好沽燕市
酒相思難寄楚江魚

唁鄒進士二首

泥書纔寄白頭親又向黃沙作逐臣身未拜官先上
疏如君真是報恩人

臨風一讀淚千行底是封書太慨慷海草茫茫邊月
白不知何地賜投荒

留別袁履善四首

一尊濁酒送行人疊鼓聲寒霜氣新道在太丘終自
廣家如范令不爲貧

足無雙鳥亦堪仙馬首駸駸入暮煙輸與袁閔居士
室禽魚日日在門前

五嶽今遊第幾峰棄瓢真有上皇風乘空願借先生
杖踏破郊原冰雪中

當時譚稭總如雲今日河梁獨有君湖色疑從窗裏

白梅集 卷之八
出雁聲愁向客中聞

留別辰王道兄四首

月照金爐香不寒
流鈴宵響碧雲端
惟來宛轉難爲
別明日黃沙在馬鞍

列真曾此步珊珊
公子吹笙冰雪顏
水綠雲青天上
在相逢不忍去人間

何緣得與佛齊肩
日日焚香齋閣前
金井醍醐銀絡
索蒼茫回首但風煙

夜宿參陽紫氣濃
經聲裊裊和霜鐘
他年再訪煙霞
侶只恐桃花鮮誤儂

留別徐孟孺道兄二首

一咏河梁雙淚枯
傷心最是月痕孤
向來高館嬌銀
燭後夜寒塘照綠蒲

萬頃湖光九片山
相逢多在水雲間
雁臣一去茶煙
冷獨擢空明寂寞還

留別陸伯生二首

如雲相送木蘭風
星漢青青燭影紅
何處銷魂何處
笛月高霜落水煙空

白梅集 卷之八
輸君湖上領煙霞馬首荒荒一片沙且醉宜城三百
石放舟移去泊蘆花

留別彭欽之二首

臨分惜別重淒淒累夕留連到曙雞潮來酒盡人應
去翻恨無情綠雨谿

出門便隔萬重山人自傷心水自潺誰遣妖童歌寶
扇聽來曲曲是陽關

留別周季華二首

疊鼓嚴城錦纜開雲山合沓水滌迴儘將席上笙歌

涕莫使沙邊鳧雁哀

輕舟遠送故人心三弄桓伊江月沉最是昨宵覓易
斷亂山黃葉寺門深

留別曹重甫二首

共憐吾邑有曹丘歲晏其如走馬遊江上無人管離
別女郎閑唱百花洲

萬人相送水西灣獨爾臨河更出關不用長途悲雨
雪栽花好待使君還

留別諸宜甫兄弟二首

自梅集 卷之八
佳人竝着木蘭舟夜夜驪歌唱不休縱有當筵紅燭
暖奈他霜葉入篋篋

送客山山出白雲薜蘿亦解罥行人遙知紫禁花千
樹不及青谿月一輪

留別沈孟嘉二首

油車嫋嫋駕青驪惜別其如良夜何拚取尊前沉醉
去不知寒月渡黃河

平生怕別爲情深莫便逢人說破琴野店荒雞空磧
馬高天無語去駸駸

留別郁孟野二首

自向長途問馬鞍淋漓雙淚不曾乾而今相送水猶
咽夜夜相思月更寒

故人多難正樓遲風急山空鵲墮枝月照大河水乍
合知君應念使君時

百穀以七言絕句十首送行驚心動魄秀色可
餐余復答以四絕可謂淫於詩矣

石尤風勁浪花生知是征夫未肯行一別馬蹄寒欲
裂黃河水合暮雲平

如蹶一日看千峰濁酒淋漓露氣濃惟有寸心銷不
得相期各佩紫美容

漠漠寒煙散舳艫山空樹老帶啼鳥蘆花兩岫千人
送不及王郎挈一壺

惜別無為雙淚流風霜但保木綿裘沙明水國花開
日朝罷還來坐白鷗

金陵道中八首

余平生足跡不到金陵此行以
計吏從浦口渡江不敢入城覽

眺風景作
詩紀行

日出天高野色空秣陵宮殿白煙中寒山不帶齊梁

恨水竹青青霜葉紅

朱城碧瓦射朝暎遠近千家瞰水村御路荒涼龍輦

去古苔銀鑰繡宮門

龍盤山勢入青天六代豪華逝水前香散蝦蟇陵下

路行人車馬踏平田

古垣蒼鼠逐麀麋風葉霜藤墜晚鴉野寺無門僧不

住一池淺水浸蘆花

秣陵城外欲銷魂石壓沙崩沒水痕野老夜分隣火

去隔牆黃犬臥松根

白梅集 卷之八
大江曲曲抱金陵浪捲空沙十丈米樓上絃歌喧估
客渡頭燈火亂漁罾

白頭江上擢船郎風起潮來弄夕陽不作城中香粉
夢一簑殘月滿天霜

馬首蕭蕭看石城一生空賦白門行也知紅板橋頭
月不似黃茅店裏清

山居雜興四十首

傍山結屋借煙霞松裏藤蘿映月華曉起不知風露
冷提壺汲水自澆花

手搖青磬禮空王銀燭金爐蕤異香煮茗小噴童子
慢開門爲掃落花忙

家住翠微雲霧堆野花山藥不須栽自開碧沼通幽
澗鷓鴣鴛鴦日日來

夢入紅泉翠壁西新翻玉洞步虛詞鳳頭鵝管秦嬴
和金母欣然一解頤

回風薜荔日初斜驀地香來透碧紗忽漫掩書童子
笑不知山下有荷花

夜宿谿南古佛堂老僧差面說休糧歸來經亂風開

白梅集 卷之八 三十一
戶落葉飛花滿石牀

梅花雪花相映寒亂峰驢背夕陽殘因之憶却年前
事漠漠黃沙撲馬鞍

大石離奇壓樹根千峰嵐氣鬱朝暎偶然廚下見蒼
虎笑和白雲驅出門

黃縑白恰紫陽巾蕭散閑尋十里春杖策沿谿雖花
去行人却認是秦人

殘碑斷石自斜曛碧瓦朱宮蒼蘚紋落葉蕭蕭狐兔
出牛羊不識史王墳

鳴鳩襖襖雨如煙白鷺斜飛水滿田牧吹半藏花塢
外酒香只在野橋邊

煙霞道友最清虛短髮鬢鬆久不梳猶恠山人苦多
事一龕燈火半牀書

經年少客到林丘種竹移花事事幽月動鳥驚林葉
響無人却是過獼猴

累日清齋坐碧苔牀頭閑却紫霞杯麻姑送到蒲萄
釀犬吠花開客又來

騎驢偶入郭西門故友欣然開一尊爲問別來何所

事笑視青天無一言

嬾讀牀頭痊鶴銘近來兼廢種魚經身中故有延年
藥不向深山採茯苓

較量寒暖問簾鈎未必忘機似野鷗抱膝雖然長閉
戶送僧曾過碧山頭

屋角桃花生紫煙茅齋無事日高眠家童不敢呼山
客喚取啼鸞近枕邊

靈巖曲曲帶神臯洞嵌青谿白石高日澹天清波不
動樓前萬竹壓漁舸

白雲頂上踏青螺松桂無花月色多但恠山人衣袂
濕不知身已在銀河

鳴弦匡坐竹林西鹿子呦呦謝豹啼世事年來都忘
却也曾騎馬聽朝雞

清谿水不碧粼粼琪樹瓊枝別有春誰在花間最深
處但聞琴響不逢人

棄却癭瓢爲厭煩十居真喜得山樊已無夾道車塵
擾猶有當堦瀑水喧

蒼山疊疊水淙淙落日寒煙失數峰最愛人家谿上

白梅集 卷之八 十一
住秋來透屋種芙蓉

行盡煙廊入翠瓔沙明水碧是瑤京自將雞犬乘雲
去猶墮空中打麥聲

好山當面月來時分得疎花到曲池一陣山風涼颯
颯石壇松子落殘碁

山鳥飛來茅屋低藤梢垂過石闌西三日掩齊看大
洞不知紅藥已成泥

閉關禁足薜蘿陰御氣還調出世心肘上不妨生柳
樹門前風雪鹿蹄深

紫霧紅雲忽滿空金幢玉杵挾飛龍無人出肅空向
去笑指青天月一峰

琳宮翠巘宿氤氳鶴喚天空只自聞昨夜石樓牕不
閉曉來飛入滿牀雲

灌園鋤菜絲堪娛笑殺雲霞性氣疎誰領黃麻新拜
相幽居久絕故人書

雨過紅蘭徑草深惜花不是道人心饒他一夜風吹
却好放黃鸝住綠陰

夏天清曉坐虛簷殘月如鈎尚在簾已許關心無一

事夜來山鼠齧華嚴

不是狂夫愛入林世緣較淺道緣深已將明月爲高
獨更取山泉寫素琴

香入空山六代魂生時華屋成荒村黃沙不管英雄
骨潮去潮來洗墓門

三春且治栽花園十畝先收種秫田都水若無天爵
詔看花酌酒度流年

磬聲自發滿斜陽隱隱隔谿開竹房三十年前曾一
到見栽松樹已成行

隋家水殿楚章華絃管淒淒入斷霞秦鏡一沉公市
灰至今惟說邵平瓜

山露泠泠滴鐘磬水霞冉冉上衣裾野人偶出猿供
爨仙客何來鶴寄書

英言風骨類仙人滿屋煙霞未是貧愛飲青谿啖山
果向來麋鹿是前身

憶君典十四首

共約功成歸種田數間茅屋隔蒼煙桃花雞犬渾無
恙只是斯人去杳然

五湖蘭棹六橋花紅燭青娥散曙霞流水浮雲何足
恨但傷寶劍葬寒沙

自君去矣掩刀鏢電滅花飛竟不還猿鶴無聲松桂
冷愁雲漠漠敬亭山

不見麒麟行白日止留狐兔弔青原玉樓金闕都無
據萬事低頭不敢言

平生歿友真堪媿不得悲歌送夜臺七尺豐碑萬言
字碧苔蒼蘚後人哀

英雄歸去是星辰白骨留爲山鬼隣世上休疑黃石
事時清原不用斯人

昨夜妖光起白虹沉沉匣裏歿芙蓉可憐不見橫秋
日土蝕煙銷入亂峰

一日青驪擁絳紗陵陽三載卧煙霞如何石上冬青
樹只當春風蒼蘘花

古廟空山易夕陽酸風苦霧送文昌墨花零落猶香
案莫去遮須作國王

北海中郎恨有餘虎賁言笑足躊躇鮫人夜泣蒼龍
去有子今爲明月珠

客散金銷罷綺筵賈人來索郭西田向來烈士寧逃
必不是功成韓令年

蛾眉散遣鏡無光明月還來照曲房腸斷香山老居
士白楊紅粉兩堪傷

看君西笑欲飛翻寶馬銀鞍尚在門忽化寒灰三尺
鐵高天無處着啼痕

平生俠骨苦難磨膏火蘭香奈爾何今日喜君離幻
相好參蓮座學維摩

竹枝詞三十首

余發青谿途中作詩不下百餘
首一夕喟然自悔其苦臨書罷

焚管城子誓不復作詩明旦上馬適情事有感
感忽得口號一首杳不知從何來沉吟自賞
連得數篇因而蒐采江南民間風俗次第成
下里之謠三十首既成乃題之曰竹枝詞因
復恍焉自笑魔之嬖人如此顧情事鄙瑣音
調理下不堪奏諸士大夫自比于山謳樵唱
不忍棄去姑留他日令家童習之以侑酒
余之于此技斷除會應有日今似未能也

斑竹欄干兩邊開枇杷樹下勸郎杯歡莫留儂儂要
去蘆花潭裏趁潮來

木槿編笆土築牆田家住在水中央四月穿綿六月
冷門前夜夜稻花香

東海漁翁大板船撈魚換酒浪頭眠親見龍王第七

白梅集 卷之八 十一
女珍珠衫子繡裙邊

水仙愛種水仙花一灣江水廟門斜
女冠夜送小姑出四野無人好月華

夜醉江頭彈阮咸江船十日住風帆
歡莫留他葱白襖待儂脫下杏黃衫

誰家女兒來浣紗紅裙蘸水髻飛鴉
郎賣鯉魚荷葉蓋鯉魚不買買荷花

人生只當渡頭雲犬吠鴉啼日又曛
月下枇杷花下酒不澆儂口侍澆墳

踏遍東城南陌頭子規叫罷叫斑鳩
紗帽不如布帽好也無歡喜也無愁

蓬子花開湖水紅東風日暮轉西風
妾心一似蓮子苦郎心一似藕絲空

吳歌不唱唱陽關為郎韉馬復裝鞍
今日金尊各自煖明朝繡被大家寒

女郎三五寺門前蘭舟暫泊綠楊煙
拜罷如來整珠翠踏花羅襪暮霞鮮

昨日花開君不賞今日花開雪滿頭
世上紅顏若長

白梅集 卷之八 十一
在除非東海也西流

但願相隨賣餅郎不願裹粉事君王君王為王郎賣
餅布裙還是舊時裝

玉雪青童二八年紫駝白馬稱銀鞵白馬紫駝儂不
愛儂家苦菜熟油煎

紫衣貴人造大墳無奈狐狸穿樹根狐狸不識貴人
面在時多少候開門

一葉扁舟海中央普陀寺裏去燒香平地翻舟風浪
穩人心賽過蓮花洋

鷄子高高飛貼天蜻蜒只在蓼花邊拚得黃金過北
斗閻家老子不愛錢

大官買園買四鄰栽花種竹幾多春聞道遼西又河
北至今不見買園人

提籃採桑後園西女郎相留鬪草嬉日暮蠶饑婆性
急閑情莫遣小姑知

猿猴送果竹引泉山雲不足借厨煙千里風沙五更
露三公不換日高眠

樂莫笑來愁莫顰為人莫作小妻身顰時生怕郎君

恠笑時又怕大娘嗔

阿母出門花朵齊阿奴出門兩行啼不恨爺娘及阿
母阿奴只恨命來低

夜裏耘田日裏耕綠楊樹下聽黃鶯小人種田睡得
穩相公做官遠牀行

江上撐船也不村撐船撐到長兒孫高挂風帆搥膝
坐一邊水綠一邊渾

脫却宮衣卸却情焚香拜佛去修行蛾眉有恩兼有
怨恩恩怨幾時平

富家女兒縷金衫貧家女兒竹頭篸且不看楊花同落
地半隨塵土半珠簾

一點紅兼油木梳彈箏勸酒醉糲餬若有黃金填苦
海不如相送在西湖

織絹娘今織絹娘織成那得做衣裳昨日一縑送里
正今朝一疋當官糧

北斗天河夜夜移富貴榮華得幾時那見宋朝丞相
府如今改作藕花池

水陸珍羞百味兼開筵請客客猶嫌多少衆生供一

白梅集 卷之八 九
筋是誰痛苦是誰甜

集紫霞山房得山字

五雲宮闕抱西山明月疎鐘萬竹間誰唱陽關送雙
淚寒河無語夜闌刪

長條曲為友人賦二首

流水飛霞舊日恩梨花寒月閉重門清明陌上香車
路認得蕭郎不敢言

手碎琵琶斷玉簫青青誰竟折長條背啼紅袖逢人
笑歲歲春風恨不銷

女蘿曲

女子有欲從人而勢有所扞者誓志守
死艱苦萬狀竟得諧所願友人為余言

其事而賦
之一章

百折東流誓不回女蘿宛轉恨難開生憐卓氏琴中
意歟作韓郎墓上灰

燈前含笑伴流蘇萬歎紅顏骨可枯沙上浣衣廚下
學為郎辛苦事諸姑

都下逢吳叔嘉

桂醕蘭膏每夜分翛然自號紫霞君馬蹄不入平津
閣只借閑房理白雲

煙雨樓六首

百尺蒼茫煙雨樓
青天蕩槩狎羣鷗
千家樹色斜陽外
萬片紅霞月一鉤

高樓突兀水雲間
日暮女郎堤上還
細浪輕帆沙漠漠
斜煙疎雨珮珊珊

玉簫金尊載酒船
綠波新月伎釵前
晚迴津口人皆醉
無數鷗鳧浪裏眠

誰家白版映寒塘
修竹娟娟過女牆
妾本南湖湖上住
凌波自愛繡鴛鴦

郭外青波指亂峰
山光淡蕩水煙空
天寒澤國魚龍臥
鐵篴何人響夜風

四月湖頭水氣涼
漁舟歸去傍垂楊
僧來野寺村村白
鳥戲青蓮葉葉香

石湖五首

萬頃湖光開浩蕩
千尋峰色引玲瓏
石橋野寺無僧住
隱隱隔谿聞暮鐘

林屋空虛敞洞天
崖前古樹不知年
鳥啼寂寂辛夷塢
花裡行人恐是仙

白梅集 卷之八
前朝大寺剝寒苔文字蒼茫斷碣哀古木春深猶墜
葉亂煙堆裏拜如來

天外雙帆出大湖中流一點插浮屠鳥飛不斷虛空
碧歌傍斜陽送百壺

聞道王維住輞川當門閑掃落花琅千秋人去留三
徑落日狐狸走墓田

吳江夜泊六首

有客乘船吹洞簫月波千頃浸平橋菱花不見菱歌
滿澹澹星河夜色遙

城郭微茫帶遠村扁舟孤客坐黃昏登艫一陣香風
過疑有凌波洛水魂

弦管嚶嚶十萬家水搖星影散明霞魚龍不妬狂歌
客曙色孤城斗柄斜

寶帶垂虹臥綠波平堤如掌印青莎小姑白石前谿
曲按節鳴絃水調多

魚蝦濁酒市盤餐不啻舟人報夜闌醉後推篷明月
上水痕涼冷燭花殘

從來傲吏狎滄洲賓從如雲清夜遊城上烏啼天欲

白梅集 卷之八
曙月華斜抱水邊樓

真如寺四首

招提信宿十年前香飯清齋不取錢
佛首藤蘿僧舍雨重來歲月總茫然

空門寥落可幽棲玉帶端明敢浪題
一片蒲團空法界蓮臺西去不沾泥

年來短髮已鬅鬢雲水生涯漸似僧
掃石焚香松樹下破衣浙瀝挂踈藤

流水潺湲到寺門香殘經罷擁籬根
不閑歲月區中

事且作煙霞物外言

薊遼大捷鏡歌八首

為張肖甫大司馬賦

獵獵紅旗捲陣門短兵夜合塞垣昏
胡天向曉燕支哭疲馬殘弓見血痕

大捷歸來列校收蒲萄銀甕坐筵篔
篹酒酣夜出巡邊壘壯士閒眠枕髑髏

北斗寒光注湛盧登樓談笑滅胡雛
天高野曠妖嬈語雪滿陰山凍草枯

邊聲四起鼓填填捲地西風吹控弦
戰苦不知胡騎

白梅集 卷之八 十三
盡旗開刀響月如煙

十隊并刀舞漢兒千行絲組繫胡姬降王面縛轅門
外帳下椎牛饗六師

遼海霜弓寒鴈急交河水拆暮沙虛神駟一道如飛
電夜半軍中獻捷書

黑山西去虜營空名姓遙驚郭令公點罷軍書諸將
出裁詩清嘯月明中

督府親征雨雪濼馬頭橫吹雜銅焦獻俘奏捷天王
喜口勅中官賜錦貂

明月梅花詩四首

東風吹粉褪微紅水曲娟娟照欲空最是銷魂闌楯
外玉人香霧夜朦朧

高樓玉笛氣氤氳襄國櫻桃落後塵六尺珊瑚籠絳
蠟隔簾疑見李夫人

生來多恐是花妖夢入羅浮凍不銷彷彿瀟湘龍女
出碧天如水濯冰綃

含姿顰笑總嫣然雪盡平林散綠煙乍淡乍濃看不
定祇應癡絕傍君前

古北口歌十首呈張制府

疋馬春風古北平
日光慘澹抱沙明
千羣狐兔單于
帳萬騎熊羆上將營

大峪砮崖響暗泉
荒荒古壘暮生煙
阜鵬忽破胡天
碧一一羣峰墮馬前

三月沙場雪未消
垂楊猶自舞寒條
角聲吹斷關山
夢一夜征夫鬢欲凋

錦帳朱旗大漠孤
虎牙龍額氣吞胡
高原馬去如流
電塵起天昏鳥雀呼

雄關虎豹據咽喉
疊鼓鳴笳滿戍樓
將士雕弓閒射
獵只今幕府有條侯

宛轉河流通地脉
參差城闕倚山形
填橋直似橫三
島鑿石何年役五丁

飛閣連雲石壁開
蒼茫劔指大旗迴
漢兒打鼓胡兒
舞夜醉營門琥珀杯

材官騎吹列成行
落日登城覽戰場
城下胡雛自來
往平岡水草放牛羊

塞王女兒髮覆肩
提刀上馬擘青天
獻盡軍中百戲

白梅集 卷之八
十一
罷採花按板唱于闐

道人卸甲事春農黃犢水田處處逢諸將當筵接詞
客滿城火炬照歌鐘

詞

西湖懷古四首

萬疊青山千層綠水蘭舟蕩入涼雲鶴墮無聲鷗飛
不斷歌吹隔花閑我欲喚起琴高邀來邢鳳借僊人
玉笛傍蒼龍叫破氤氳行到湖天空濶處畫大江吳
越此中分酒滿瑤觴賓朋不減看來只少湘裙但醉

時微唸散髮高揖洞庭君

右調綠水曲

一片大湖何限浸空城碧浪崔嵬白日孤懸畫屏四
合翠微裏擁出樓臺落盡桐花飄殘柳絮正芙蓉丹
井將開衣上冷香飛欲濕輕鷗細帶蘭漿共滌洞天
放閑人時容傲吏水雲深處相對且啣杯君莫對此
景浪生憂喜請看層波疊疊前後相催錢氏舞裙趙
家歌扇零落總成灰君去也西湖無恙歌舞又重來

右調水慢聲

淼淼重湖背郭斜永日坐蒹葭四面山青不斷樓閣

外亂水明霞有畫船錦纜載詞客金翹雜珮強半挾
吳娃水窮處長林古寺夏木綠陰遮回首望空明白
鷗隱隱飛來帶一片輕沙把酒問西湖今來古往都
不管興亡舊恨年華且與君權扁舟聽取哀弦急箏
散髮弄荷花

右調青
江裂石

萬疊雲峰個個芙蓉金掌真堪賞陌上花鈿水邊蘭
桀一派笙歌鬪魚龍空濶處衆山皆響遊女凌波羅
襪冷菱葉暗浪花明不霎時雪卷青天蓬閣與諸公
把酒醉波臣夫風下來一笑冷然蕭爽明日西陵東

去也回首六橋使人惆悵

右調水
仙詞

白木集

卷之八

廿七





